


# Na bomò Yesùà

Jésus est trahi



Nouveau Testament

# **Na bɔmɔ Yesùà**

**Jésus est trahi**

CABTAL  
B.P. 16550  
Yaoundé  
République du Cameroun  
E-mail : [info@cabtal.org](mailto:info@cabtal.org)


2011

Langue : baka, parlée dans la Région de l'Est de la République du Cameroun  
Code langue ISO 639-3 : bkc

Titre en français : Jésus est trahi  
Luc 18.31-34 ; 22.1-7, 19-20  
Jean 13.21-22, 30-35 ; 14.3, 15-17

Cette histoire biblique, conçue pour les lecteurs bakas, a été développée par une équipe de traduction à Ndjibot.

Illustrations bibliques de Jim Padgett, courtoisie de Sweet Publishing, Ft. Worth (Texas) et de Gospel Light, Ventura (Californie) © 1984. *Tous droits réservés.*




Lìkànò a Yesùà a mbì kè nòò wà kuno a ngé bòmòò lé te nè. Lìkànò ná, ekè.

Yesùà òò na nòò te wà kuno a ngéó te na manà pó we a Komba.


Yesùà te wà kuno a ngéó pe : « Gó nì a kpoto nà ngbengbe. » Kpoto nà ngbengbe ná e lé Yèlusalèmì.

Kò ngé Yesùà á nyì pe kòmbé wó moò lé jò a Yèlusalèmì. Ekò, wá gò, wá gò, wá gò...



Pe wó gɔ okò, Yesùà tε wà kuno a ngéó pe : « Èe kè wà ngomà we a komba na mbèlio wó ngòmào òò nè, èe ná a dɔ na kótò. Ngó wó ngòmào pe, kòmbε wó i wà boò boo, wá mijó è, wá gbo é, endè wá moò lé. A ke bìtì batà, ngé mòmóló á jukò a kò. »


Pe Yesùà ngomà koà, wà kuno a ngéó ngó wá jè kò jè. Wó ndé na jè jónkò à bumá ó a èe kè Yesùà á manà pó nè. Wá dòto kò yekeyèkè.



Ekò, Yesùà wó te wà kuno a ngéó ngó wá gø kò gò a Yèlusalèmì.

Pe wó gø okò, wá kòtò. E òò te ngbe tí bè jò bo. Ngbe tí bè ná e bè kè a mbì kè Komba é bòtò o òò te wà Isaeloo kòpε a bò lúbà bitε wà Èjiteo nè.

Boo kòpε wá lèji a gba a ngó, wá gø à ngbe bè ná. Wá gø, wá gø, wá gø... Boo kòpε wá kòtò a Yèlusalèmì.



Tie ná kò, nòò wà kuno a Yesùà é bà ye na gó a bòmò Yesùà bite nòò tí bo nà nda a Komba kènòò wó bà ye na moò Yesùà nè. Wà kuno a Yesùà ná e lé Yuda. Sátànì wà sítí á dò na lì à bùmá Yuda pe é mèè sítí ná.


Ekò, Yuda á gó na kòtò bite bo kènòò wó à ye na moò Yesùà è. É tó pe : « I tò peè sáka, ma manà pe i mbì kè kòmbè i gó na i té Yesùà è. »

Ekò, wá tò pé lè sáka, á jà.




Tie ná kò, Yesùà wó tε wà kuno a ngéó wá sangià tó  
ndánda kpóde. Wá dɔ a jo jo na bè. Wá jo nà ngó.  
Wá jo, wá jo, wá jo...

Wá jo nà ngó jo ná pena mbì kè boo kòpε wó bà jo tε  
jo na bè ná è.




Pe wó jo koà, Yesùà á ja mapà. Á gomò. Á tó pe wà kuno a ngéó. É tó pe : « Jo kè e ngòbò lè kè kpíkpì à lonjò i nè. I ja, i jo. »



Ekò, Yesùà á ja kina gbanga nà pe. É tε wà kuno a ngéó pe : « Pe kè e njε a lè kè e túkò à lonjò i nè. I ja, i njo. Ngayi sì kina i ngò mεè lànè mbì kè ma à mεè nè à na tɔò lè tε. »


Èe ná kè makàlà kè boo wá jo tε jo na lòti ná è.




À bo yíè ngé, Yesùà bumé ndé a lèkè tε.

É tε wà kuno a ngéó pe : « Bo kpóde nè à paki a ngi  
kòmbε é bɔmò lè. I à jè kò ? »

Wà kuno a ngéó ngó wá sià tó à paki a ngó, ngá ngà  
ngá ngà ngá... Ndé na nyì bo kε é bà ngomà tε è. Kò  
Yuda ngé á nyì.




À pítimà ná kò yíè, Yuda á lèji bite bí ò. Á gò bite bo kènòò wó bà ye na moò Yesùà è, te na manà pó mbì kè wó dò na i te Yesùà nè. Wó tó wá ja ngò ló.




À tie ná kò, Yesùà tε wà kuno a ngéó pe : « Makàlà kè na gɔ lè a kɔtòe mbɔli. Èe ná kè ma à tɔ pe i tε kpóde njòli lè na tòtɔ è. Njòli lè ná e na ye tε i à paki a ngi pena mbi kè ngaà ma yèo i tε nè. Pe i à ye tε i à paki a ngi koà, boo kòpε wó ngɔ nyì sikindi pe i wà kuno a lèo. I à jè èe kè ma à manà pe i nè kò ? »

Wó pe : « Yíè, nga à jè. »



Yesùà tó kina pe : « Makàlà kè ma à dō a dù bité nyùa lè. Ma à gɔ a lèkè nɔò ndánda bité pe i dō na dótò bo. Kòe ma dō a ja i.

Pe i bá ye lè jókò te búmá i kòpε, i ngò jè njòli lè kè ma à manà pe i nè.



Komba ngé kòmbè é kindà Mòpòpò a ngé bite bo kènò wá lemè lè a bumá ó nè. Mòpòpò a Komba ná é bá gbiè boo à sikindi.

Kò bo kènò wá nò jòkò teè nè, ngó wó te kpéké na makà té. Mòpòpò ná é bá dò. »

Yesùà á ngomà tó koà.

Lìkànò a Yesùà a mbì kè nò wà kuno a ngé é bòmò lè te nè, ekò.

E sasa e : Sàa